

A D L E C T O R E M.

7

natum commemoratio tuum assensum , lector , quasi marinis fluctibus , anxie hinc inde iactare potest , quibus fatigatus , denique tantò libentiùs ad causas hoc libello expositas , tanquam ad tutum portum te recipias . Consolabantur me tamen subinde , & in spem meliorem erigeant , cùm aliae rationes , quæ infrā sequentur , tum quòd semper motus distantiam ponè sequi videbatur , atque ubi magnus hiatus erat inter orbes , erat & inter motus . Quòd si (cogitabam) Deus motus ad distantiarum præscriptum aptauit orbibus : vtique & ipsas distantias ad alicuius rei præscriptum accommodauit .

Cum igitur hâc non succederet , aliâ viâ , mirum quâm audaci , tentaui adi-
tum . Inter Iouem & Martem interposui nouum Planetam , itemque alium inter
Venerem & Mercurium , quos duos fortè ob exilitatem non videamus , ijsque sua
tempora περιοδικὰ ascripsi . Sic enim existimabam me aliquam æqualitatem pro-
portionum effecturum , quæ proportiones inter binos versus Solem ordine minue-
rentur , versus fixas augescerent : vt propior est Terra Veneri in quantitate orbis
terrestris , quâm Mars Terræ , in quantitate orbis Martij . Verùm hoc pacto neque
vnius planetæ interpositio sufficiebat ingenti hiatui ♀ & ♂ . Manebat enim ma-
ior Iouis ad illū nouum proportio , quâm est Saturni ad Iouem : Et hoc pacto quam-
uis obtinerem qualemcunque proportionem , nullus tamen cum ratione finis , nul-
lus certus numerus mobilium futurus erat , neque versus fixas , vsque dum illæ ipsæ
occurserent : neque versus Solem vnquam , quia diuisio spatij post Mercurium resi-
dui per hanc proportionem in infinitum procederet . Neque enim ab ylliis numeri
nobilitate coniectari pote-
ram , cur pro infinitis tam
pauca mobilia extitissent:
Neque verisimiliadicitRhe-
ticus in sua Narratione , cum
àsanctitateSenarij argumen-
tatur ad numerum Sex Cœ-
lorum mobilium . Nam qui
de ipsius mundi conditu di-
sputat , non debet rationes
ab ijs numeris ducere , qui ex
rebus mundo posterioribus
dignitatem aliquam adepti
sunt .

Rursum alio modo explo-
raui , vtrum non in eodem
quadrante distantia cuiuslibet Planetæ sit residuum
ex sinu , & motus eius sit re-
siduum ex eius complemen-
ti sinu . Fingatur Quadra-
tum A B , à Semidiametro
totius Vniuersi A C descri-
ptum . Ex angulo igitur B Solis in Centro Mundi A opposito , scribatur cum radio B C Qua-
dran-

